



Na osnovu člana 56. Zakona o organizaciji uprave u Federaciji Bosne i Hercegovine („Službene novine Federacije Bosne i Hercegovine“ broj 35/05), člana 51. Zakona o izvršenju Budžeta Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 2/21), člana 267. Zakona o dopunskim pravima branilaca i članova njihovih porodica („Službene novine Bosansko-podrinjskog kantona Goražde“ broj: 9/13, 11/14 i 15/19) i člana 2. Pravilnika o uslovima, načinu, kriterijima i postupku za raspodjelu sredstava za rad udruženja koja se finansiraju/sufinansiraju iz budžeta i finansiranju/sufinansiranju projekata i aktivnosti udruženja boračkih populacija („Službene novine Bosansko-podrinjskog kantona Goražde“ broj: 4/20), a u skladu sa Programom utroška sredstava Ministarstva za boračka pitanja sa ekonomskog koda 614 300 - Tekući transferi neprofitnim organizacijama“ za 2021.godinu, Ministar za boračka pitanja Bosansko-podrinjskog kantona Goražde **r a s p i s u j e**:

JAVNI POZIV

za raspodjelu sredstava za finansiranje/sufinansiranje projekata i aktivnosti udruženja boračkih populacija i fondacija koje doprinose poboljšanju statusa boračkih populacija sa prostora Bosansko-podrinjskog kantona Goražde

I Predmet Javnog poziva je dodjela sredstava iz Budžeta Ministarstva za boračka pitanja Bosansko-podrinjskog kantona Goražde za finansiranje/sufinansiranje projekata i aktivnosti udruženja boračkih populacija i fondacija koje doprinose poboljšanju statusa boračkih populacija sa prostora Bosansko-podrinjskog kantona Goražde (u daljem tekstu: Kanton), u skladu sa Programom utroška sredstava sa ekonomskog koda 614 300 – „Tekući transferi neprofitnim organizacijama“ za 2021.godinu (u daljem tekstu: Program) i to:

1. Pomoć u realizaciji projekata boračkih udruženja u maksimalnom iznosu do 55.000,00 KM;
2. Pomoć u organizovanju sportskih manifestacija i rekreacije invalidnih osoba pripadnika boračke populacije u maksimalnom u iznosu do 1.000,00 KM;
3. Pomoć u radu fondacija u maksimalnom iznosu do 30.000,00 KM.

II Pravo učešća po ovom Javnom pozivu imaju boračka udruženja i savezi, fondacije, sportska udruženja i klubovi u organizaciji manifestacija, memorijalnih turnira i drugih aktivnosti vezanih za boračku populaciju, sportisti pojedinci pripadnici boračke populacije u svrhu učešća na sportskim takmičenjima, vjerske zajednice i drugi subjekti koji njeguju tekovine odbrambeno oslobodilačkog rata 1992.-1995.godine i narodno oslobodilačkog rata 1941.-1945.godine, registrovani na prostoru Kantona i okolnih općina u RS-u (u daljem tekstu: Aplikanti).

III Opći uslovi za učešće aplikanata po ovom Javnom pozivu su:

- 1) Da imaju rješenje o registraciji koje je izdao nadležni sudski ili upravni federalni ili kantonalni organ i da im je prebivalište (registracija) na prostoru Kantona;
- 2) Da imaju uvjerenje od poslovne banke da je korisnik sredstava solventan i da mu račun nije bio u blokadi;
- 3) Da se prijedlog projekta ili zahtjev kandiduje u skladu sa Programom.

Prioritetne aktivnosti i mjere koje imaju prednost za odobravanje sredstava su:

- a) Poboljšanje statusa članova boračkih udruženja u oblasti zdravstvenog i stambenog zbrinjavanja;
- b) Socijalna inkluzija i razvoj sporta ratnih vojnih invalida na prostoru Kantona;
- c) Učešće u obilježavanju značajnih datuma, događaja i ličnosti;
- d) Obilazak porodica šehida i poginulih boraca;
- e) Održavanje redovnih skupština udruženja;
- f) Projekti od općeg interesa svih pripadnika boračko-invalidske zaštite;
- g) Pokretanje promotivnih kampanja;
- h) Projektima koji uključuju volonterski rad građana u projektnim aktivnostima će biti pružena dodatna prednost;
- i) Projekti od općeg interesa koji se odnose na izradu i ugradnju spomen obilježja i njihovu zaštitu;
- j) Projekti kulturno-istorijskog i edukativnog značaja.

IV Aplikanti apliciraju na sredstva u vidu prijedloga projekta i u vidu zahtjeva za sredstvima. Aplikant može odabrati najpovoljniji način apliciranja na sredstva te može dostaviti više prijedloga projekata ili zahtjeva, ali maksimalno jedan prijedlog za finansiranje aktivnosti u okviru jednog specifičnog cilja.

Prijedlozi projekata i zahtjevi za sredstvima dostavljaju se u formi koja je propisana od strane Ministarstva, sa dokazima o ispunjavanju općih i posebnih kriterija te propisanom dokumentacijom.

Prilikom apliciranja u vidu projekta, isti obavezno sadrži: naziv projekta, opis problema/potreba, kratak opis projekta, ciljeve, ciljne grupe, planirane aktivnosti, očekivani rezultati, trajanje projekta, potreban broj osoba za realizaciju projekta i detaljno planiran budžet (za provođenje planiranih aktivnosti).

Prilikom apliciranja u vidu zahtjeva za odobravanje sredstava, aplikant je dužan navesti slijedeće informacije: razlog zbog kojeg se zahtjevom traži odobravanje sredstava, pregled planiranih aktivnosti, ukupni iznos sredstava neophodnih za provođenje planiranih aktivnosti, očekivani rezultat koji se planira ostvariti, traženi iznos sredstava od Ministarstva i iznos sredstava koji bi se obezbjedio iz drugih izvora.

Dokumentacija koju je potrebno dostaviti:

1. Popunjen obrazac zahtjeva za finansiranje/sufinansiranje projekta ili aktivnosti,
2. Izvod iz registra udruženja (na pisani zahtjev izdaje Min. za pravosuđe, upravu i radne odnose);
3. Uvjerenje o poreskoj registraciji - identifikacioni broj;
4. Izvještaj o urednom finansijskom poslovanju (bilans stanja i bilans uspjeha za prethodnu godinu ovjeren od strane nadležne ustanove AFIP);
5. Dokaz o aktivnom transakcijskom računu otvorenom kod poslovne banke;
6. Drugu dokumentaciju relevantnu za evoluciju projekta/zahtjeva.

Zahtjevi za finansiranje/sufinansiranje projekata i aktivnosti aplikantata kojima su odobrena i doznačena sredstva u prethodnoj budžetskoj godini a za ista nisu dostavili adekvatan izvještaj o utrošku sredstava sa odgovarajućom dokumentacijom, će se smatrati nepotpunim i kao takvi odbaciti.

Izuzetno, zahtjev za finansiranje/sufinansiranje projekata i aktivnosti će se smatrati potpunim za aplikante koji nisu podnijeli izvještaj o utrošku odobrenih sredstava za projekte odobrene u prethodnoj budžetskoj godini ako im odobrena sredstva nisu doznačena u ukupnom iznosu. U ovom slučaju, aplikant će dostaviti odgovarajuću ovjerenu izjavu, dok će izvještaj sa dokumentacijom podnijeti najkasnije u roku od 30 dana od potpune isplate odobrenog iznosa.

V Postupak odobravanja sredstava po ovom Javnom pozivu sprovoditi će se u skladu sa odredbama Zakona o dopunskim pravima branilaca i članova njihovih porodica u Bosansko-podrinjskom kantonu Goražde i podzakonskim aktima donesenim, uz saglasnost Vlade BPK Goražde, od strane Ministra za boračka pitanja. Isti se mogu preuzeti na web stranici Ministarstva.

Nakon okončanja postupka i odobravanja sredstava od strane Vlade Bosansko-podrinjskog kantona Goražde, sa svim aplikantima kojima su odobrena sredstva će se zaključiti pojedinačni ugovori kojim će se definisati međusobna prava i obaveze.

VI Obrazac prijave za finansiranje/sufinansiranje projekata može se preuzeti na službenoj web stranici Ministarstva za boračka pitanja (www.mb.bpkg.gov.ba/zahtjevi-i-obraci).

Prijave sa potrebnom dokumentacijom dostaviti u zatvorenoj koverti preporučenom poštom na adresu Ministarstva ili lično u pisarnicu Bosansko-podrinjskog kantona Goražde tokom radnih dana u periodu od 08⁰⁰-16⁰⁰ sati. Vanjska strana koverta mora sadržavati puno ime i adresu aplikanta, puni naziv projekta sa naznakom „NE OTVARAJ, PRIJAVA NA JAVNI POZIV“.

- VII Rok za podnošenje prijave po ovom Javnom pozivu je:
- za utrošak sredstava iz poglavlja I, tačka 1.- 15 dana od dana objavljivanja;
 - za utrošak sredstava iz poglavlja I, tačke 2. i 3. - kontinuirano tokom 2021.godine odnosno do utroška raspoloživih sredstava za ove namjene.

Nepotpune i neblagovremene prijave neće se uzimati u razmatranje.

U opravdanim slučajevima, uz saglasnost Ministra u razmatranje mogu ući i zahtjevi koji se predaju van roka definisanog ovim Javnim pozivom.

Rezultati Javnog poziva objaviće se na oglasnoj ploči i web stranici Bosansko-podrinjskog kantona Goražde.

Broj: 11-~~11~~-666 /21
Goražde, 31.05.2021. godine

